

راد-اسيغ امارڻ 101

- 1 راد-اسيغ امارڻ لَحقَ ءولا تايري عيزڻان.
ڪيئي ا-رڻي ا-مي-راد-اسيغ امارڻ.
- 2 راد-ٿيدوغ نڪي غ-وغاراس ن-وفولڪي.
ماناڻگو ا-رڻي ا-را-د-داري-تاشڪيت؟
راد-سڪارغ نڪي د-ايت-تگمّي-نو س-وول عيصفان.
- 3 ءور-راد-ادجغ الڻ-ينو ا-تمنادنت ڪرا عيسرڪاون.
ءور-راد-ڪاورغ د-ويلي عيتون رڻي،
ءولا راد-ڪشمغ غ-يسڪيرن-نسن.
- 4 ءور-راد-سڪارڪسغ ءولا راد-د-مشاشڪاغ د-ويلي اُخشنين.
راد-سفساغ نڪي وانا عيرگمن غ-وادجار-نس.
- 5 ءور-راد-صبرغ عي-يان عيسفورون عيحگر ويياض.
راد-فرحغ نڪي س-ويلي توقارين رڻي.
- 6 راد-يريغ نڪي غويلي ءومڙنين اغاراس ن-وفولڪي.
راد-يلين نني غ-تگمّي-نو ار-داري-تيمڪيرين.
- 7 ءور-راد-ادجغ عيد-بو-تڪرڪاس اد-ديدي-زدغن.
ءور-راد-ادجغ ايت-سين-وودماون اد-داري-قامان.
- 8 راد-سفساغ ڪار مدڻ غ-تگلدت-ينو ڪرايڪات اس.
راد-سوفوغ غويلي اُخشنين زغ-تمدينٽ ن-رڻي.